

MEP ta bolbe denuncia corrupcion den proyecto di Postkantoor

ADVOCATENPRAKTIJK mr. Roly Croes N.V.
ADVOCATEN - ABOGADOS - ATTORNEYS AT LAW

mr. R.H. Croes

Belgiestraat no. 28 - Oranjestad
T: 825960 - 825939

Aan Zijne Excellentie
de Minister van Vervoer,
Communicatie en Utiliteitsbouw, IJven,
Bestuurskantoor,
Oranjestad,
Aruba.

DECLARATIE

No. 002

vergoeding voor het verrichten van
enkele diensten ten behoeve van de
privatisering van de Directie Posterijen
en de Postspaarbank over de maand december
1997. (dienstverleningsovereenkomst
d.d. 14 oktober 1997) Totaal

Afl. 10.000,--

Afl. 10.000,--

Gelieve dit bedrag betaalbaar te stellen door storting ervan
op rekening nr. 8044015 van de ABN-AMRO Bank t.n.v. de advocaat
mr. R.H. Croes.

Aruba 5 januari 1998.

Hooftzitting,
Advokaatpraktijk
mr. Roly Croes N.V.,
de Directeur:
mr. R.H. Croes

Ingep. 980105
Volg. nr. 9800008

ORANJESTAD(AAN): -- Segun lider di MEP Nelson Oduber, Venezuela ta keda chikito banda di Aruba pa loke ta corrupcion den gobierno.

Den su opinion, Aruba a yega den un situacion caminda e por duna les den mal gobernacion y corrupcion administrativo.

Lider di MEP a bisa esaki ayera, durante un conferencia di prensa encuan to e irregularidadnan rond di e proyectonan di renovacion y embebecimento di Postkantoor na Playa y di construcion di e Community Mail Kiosk na Tanki Leendert.

Señor Oduber a presenta na e conferencia di prensa cu gran cantidad di documento cu "a cay den su brievebus", entre otro, un raport di Centrale Accountantsdienst (CAD) di Maart ultimo, declaracionnan y cartanan di e aña aki y aña pasa.

El a bisa cu ta duel e cu e mester menciona nombernan di hende pero cu MEP no por tolera e situacion corruptivo aki mas.

E proyectonan di renovacion y embebecimento di Postkantoor y di construcion di un Kiosko di Post na Tanki Leendert a keda poni den man di e compania Arucon NV di Giovanni Daal y Roland Croes aña pasa.

Esaki sin cu Gobierno a tene un destaho publico manera ley ta exige ora ta trata di proyectonan di 100.000 Florin o mas.

Riba 24 di Januari 1997, ministro di Trafico y Comunicacion anterior Glenbert Croes a duna Arucon e encargo pa traha e disenyo provisional y definitivo, e tekeningnan di bestek, e bestek, presupuesto y aanbesteding di e "Preparacion di renovacion di embebecimento di Postkantoor Oranjestad".

Segun e raport di Centrale Accountantsdienst (CAD) pa minister di Trafico y

Comunicacion, gobierno lo a paga 373.000 Florin pa esaki loke ta un percentage di e gasto total (9.5 miyon Florin) di e proyecto di renovacion di Postkantoor.

CAD a constata cu gobierno a paga Arucon e suma di 373.000 Florin y cu e compania a indica riba su facturacion cu el a cumpli cu tur trabao.

Director di Posterijen a bisa CAD sin embargo, cu Arucon a entrega unicamente e bestek, e tekeningnan y e calculacion provisional di gasto pa e prome parti di e proyecto.

Arucon lo no a entrega e bestek, ni e presupuesto, mientras cu no ta cla si e tekeningnan ta completo.

Pa e motibo aki, e director di Posterijen no a acorda e ultimo factura di Arucon (\$5.900 Florin) pero a djis pone riba dje cu el a mire y a pase pa e ministro di Trafico y Comunicacion, kende si a acorde.

Segun CAD, den caso cu sali cu Arucon no a haci su trabao na e acuerdo cu e encargo di gobierno, por conclui cu parti di e pago haci na e compania aki lo a tuma lugar inhumamente.

Pa loke ta e exigencia di tene un destaho publico, e director di Posterijen a bisa CAD cu gobierno no a pidi oferta cerca ningun otro compania y cu no ta existi un aprobacion di ministro di Finanzas pa desvia di e procedura di destaho publico den caso di e proyecto di renovacion di Postkantoor.

Señor Oduber a splica ayera den e conferencia di prensa di MEP, cu gobierno por scoge pa desvia di e procedura di destaho publico pa cierto razonnan cu ta indica detayadamente den ley.

Un di e razonnan aki ta cu e compania cu ta haya e encargo

ta e unico na Aruba cu por percura pa e servicio o producto specifico cu gobierno tin mester di dje.

CAD a constata mas leu den su raport, cu gobierno no a reserva lugar den e presupuesto di departamento di Posterijen 1997 pa carga e gastonan di e proyecto di renovacion di Postkantoor y cu como consecuencia di esaki, a surpasa loke tabata presupuesta.

CAD a bin descubri riba dje, cu director di Arucon Roland Croes ta ruman di director di Posterijen, loke ta haci cu e necesidad pa tene un destaho publico tabata mas grandi ainda.

Ayera lider di MEP Nelson Oduber a punta alavez riba e hecho cu Roland Croes ta riba lista di OLA y ta envolvi den privatizacion di Posterijen y Postspaarbank.

Director di Posterijen a bisa despues cu e no tabata sa cu su ruman ta director di Arucon pero a kere cu e tabata presente na e reunionnan di e compania aki den funcion di consehero huridico.

Straño ta tambe, segun CAD, cu e encargo na Arucon ta diferente cu e oferta cu Arucon a entrega na gobierno riba 23 di Januari 1997.

Den e oferta di 373.000 a inclui supervision durante construcion y preparacion di e ultimo

fase y ta poni cu 22.5% di e suma total durante ehecuion di e proyecto ("architect supervision") mester wordo paga y cu 2.5% di e suma total lo tin cu wordo paga despues cu e proyecto a keda entrega.

Den e encargo na Arucon sin embargo, no a inclui supervision y preparacion di entrega di proyecto mientras cu a mantene si e mes prijs cu den e oferta.

DOW no a wordo envolvi den e preparacion di e proyecto di renovacion di Postkantoor, aunke e peticion pa construcion a bay DOW.

Riba 28 di Januari di e aña aki, director di DOW a bisa cu e ta considera ampliacion di Postkantoor contrario na destinacion di e edificio.

MEP a manda Procurador General di Aruba un carta riba 26 di Mei ultimo tocante e asunto aki y a reuni cu ne den weekend cu a pasa pa papia.

Procurador General a bisa e representantenan di MEP cu e no por actua contra e ministro nan como cu e no tin e leynan na man di cual e lo por haci tal.

El a urgi MEP pa pasa e ley caminda ta pone ministronan personalmente responsable pa nan mal maneho.

Hunto cu articulo: copia di cobranza pa gobierno di Roland Croes pa servicionan haci pa Posterijen y Postspaarbank.

PROYECTO PA EMBEYECE SACO!!

